

Ar chokolad gant Patricia

Setu Marianne, ur mennozh mat eo er mare mañ, n'eo ket 'ta? Nedeleg ha friko fin ar bloaz zo o tont... Gouzout a rez, Marianne, gant piv eo bet degaset ar c'hakao en Europa?

Ne oaran ket, debriñ a ran chokolad kentoc'h eget studiañ anezhañ. Ha te, Patricia, gouzout a rez gant piv eo bet degaset ar chokolad en Europa?

Evel-just, met ne oa ket gant Kristof Kolomb...Gallout a ran gwelout e-barzh da benn...me zo ur strobinnellerez...a wechoù... Ma! Konkistador an impalaerezh Aztek, Hernán Cortes e oa. Eus Bro Spagn e oa. Hag e 1528 (mil pemp kant eizh warn ugent) e erruas ar chokolad en Europa, dre Bro Euskadi... Setu perak ez eus kalz a saloñsoù chokolad eno.

Dedennus eo...C'hoant meus mont pelloc'h gant istor ar c'hakao...lâr din muioc'h, mar plij...

Gant plijadur, Marianne. Ar fav kakao a oa moneiz evit eskemm traoù hag an evaj d'an doueed, roet d'ar vrezelourien. Divin petra a dalvez chokolad e yezh nahualt, yezh ar bobl Aztek ?

Din-me, e vije evaj an doueed... rak komz a ran nahualteg flour, evel ma ouzez...

One point... Kendec'hel a ran... En Europa, e veze graet louzoù gant chokolad, met ker ha c'hwerv e oa. Ha penaos ober evit lakaat anezhañ da vezañ un evaj diouzh ar c'hiz? Gant mel ha sukr e vo dousoc'h blaz ar chokolad...

Ur goulenn am eus, pegoulz eo erruet e Bro Frañs?

E 1615 (mil c'hwec'h kant pemzek) gant Anna eus Aostria merc'h roue Spagn ha gwreg Loeiz trizek.

Gant piv eo bet brudet ar chokolad? Gouzout a rez?

Gant Aotroù Lindt, evel-just! Ouzhpennet en deus laezh ha sukr ennañ e 1845 (mil eizh kant pemp ha daou ugent). Peseurt chokolad a gavez mat Marianne? Chokolad du, chokolad laezh pe chokolad gwenn?

Me a gav gwelloc'h chokolad du, setu an hini gwellañ evit ar yec'hed, da'm soñj...

Ya, gwir zo ganit. Evit echuiñ, n'eo ket diaes fardañ chokoladennoù, selaou mat Marianne. Evit teuziñ ar chokolad, tap div gastelodenn, unan vrasoc'h eget eben gant dour, tomm anezhañ, laka e-barzh an eil kastelodenn chokolad torret enni, gra ur bain marie, benn ar fin. Laka ar chokolad teuzet en ur sac'h ha gra mendiants war ur blakenn gant frouezh sec'h warno...

Gouelioù laouen dit Marianne, ken vi gwelet!